

諸
史
拾
遺

諸史拾遺卷一

嘉定錢大昕

魏志

太祖紀

建安十五年注孤祖父以至孤身皆當親重之任以及子植兄弟過於三世矣 陳氏景雲曰此令云前朝恩封三子爲侯固辭不受今更欲受之及明年三子竝封植爲之首則分封植等在下令之先朝廷已有成命故自述世受漢恩有至於子植兄弟之語也封植等而不及丕者丕爲冢嗣當襲父爵如桓階三子

皆賜爵關內侯其長子祐以嗣子不封卽其證也或疑舍丕舉植紊長幼之序據陳思王傳注中載太祖令屢稱子建以證子植當爲子桓之譌殆不然矣

文帝紀

注及至承堯禪被珍裘妻二女若固有之 梁氏同書曰珍裘卽孟子所云衿衣也衿訓單又訓同皆無盛服之義當以珍裘爲正

三少帝紀

景元元年故漢獻帝夫人節薨追謚爲獻穆皇后 陳氏景雲曰武帝紀注引續漢書曹騰父名節於獻穆

爲高祖不應獻穆命名乃犯祖諱戮文類聚引續漢志曹騰父嵩與裴注異恐當以嵩爲正

袁紹傳

注伯游之恨於齊未若文公之忿曹 陳氏景雲曰文公當作太公見後漢書

既不見赦而屠辱各二三其心臨陳叛戾 陳氏景雲曰屠下衍一辱字屠各者例奴種也是時袁尙攻譚倚例叔爲助及交鋒之後譚兵擊其前屠各叛於後故繼云進退無功首尾受敵也

劉表傳

注公褚恭 陳氏景雲曰褚當作緒公緒複姓也見後漢書黨錮傳

公孫瓚傳

是時術遣孫堅屯陽城拒卓紹使周昂奪其處 陳氏景雲曰魚豢典略載瓚表列紹罪亦作周昂據孫堅傳注引吳錄及會稽典錄則紹所遣與堅相持者乃會稽周囑非昂也昂乃囑之兄爲九江太守袁術攻破之其事別見孫資傳吳錄典錄皆同蓋資傳仍吳史舊文而瓚傳周昂似沿典略之失也范史瓚傳作周昕案漢末昕爲丹陽太守見孫靜傳注無奪據陽

城事此范史之誤

王肅傳

評劉寔以爲肅方於事上而好下佞己此一反也性嗜榮貴而不求苟合此二反也吝惜財物而治身不穢此三反也 陳氏景雲曰劉寔以下當是裴氏注譌周傳評後注引張璠以爲云云與此正同肅爲晉武帝外王父史臣於本傳略無貶詞豈應於評中更摭其短乎大昕攷承祚諸評文簡而要從未引它人說陳氏之言是也

張既傳

又與夏侯淵宋建 陳氏景雲曰淵下疑脫討字

注儒夏侯尚從弟初爲鄢陵王彰驍騎司馬宣王爲征南將軍都督荊豫州 陳氏景雲曰驍騎司馬句絕鄢陵北征以北中郎行驍騎將軍時夏侯尚爲長史儒爲其府司馬也宣王二字有誤宣王嘗以驃騎將軍都督荊豫不在四征之列此爲征南將軍都督荊豫者卽儒以下文樊城受圍儒坐遲救召還觀之義自明矣

杜畿傳

或謂畿曰宜須大兵 陳氏景雲曰或當作或是時畿

在陝津或畱許下不得參預軍謀也

張遼傳

陳蘭梅成以氏六縣叛 陳氏景雲曰氏當作潛 蘇欽
征天山賦爲遼平蘭成而作其賦云羣舒蠢動割有
潛六斯其證也 蘭成初叛本分據二邑繼乃弳兵於
潛此傳所載與蘇賦皆合

李通傳

封建功侯 陳氏疑建功下脫亭字子謂建功侯卽魏
武所置名號之一也

任城王彰傳

注彰之挾悵尙無所至至於植者 陳氏景雲曰通鑑
引此文於者字下有豈能興難一句此注無之蓋後
來刊本脫落耳

王粲傳

注質自以不爲本郡所饒謂司徒董昭曰我欲溺鄉里
耳昭曰君且止我季八十不能老爲君溺攢也 案
董昭吳質皆濟陰人質欲溺鄉里則昭亦在應溺之
列故云溺攢

和洽傳

禽弟適

陳氏景雲曰適當作道高貴鄉公紀甘露二

季帝臨辟雍賦詩侍中和適等作詩稽留卽其人也

晉書和嶠傳亦可攷

注中適字並同

趙儼傳

遷平寇將軍徐晃俱前 陳氏景雲曰刪府元龜遷作

與當從之

通志同

牽招傳

到故平州塞北 陳氏景雲曰塞北無平州招時守雁門控禦北荒以上文故平城故馬邑二事觀之則平當爲武武州亦雁門屬縣也史記單于入武州塞崔浩曰武州在平城西百里

郭淮傳

涼州休屠胡率種落二千餘家附雍州淮奏請使居安定之高平爲民保障其後因置西川都尉陳氏景雲曰川當作州晉泰始中傅休奔上疏摛置秦隴事請更置一郡於高平因安定西州都尉徙民充之以通北道是其證也

毋邱儉傳

大戰梁口注梁音渴初疑梁字不當有渴音後見何妃瞻校本云刪府作過水口過水音過

鄧艾傳

宣王爲州泰會使尙書鍾繇調泰 陳氏景雲曰宣王
擢泰守新城當在輔少帝筦朝政之時鍾繇前卒已
久御覽作鍾毓亦非毓正元中爲尙書當泰典郡時
毓先已踐入座不得以屈滯相嘲當是尙書郎鍾會
會正始中爲尙書郎資名尙淺故得以棲遲下仕排
之也

杜夔傳

當令夔與左顧等 陳氏景雲曰繇欽與魏文帝牋作
左驥李善呂向注引夔傳竝與牋合善又云驥與顧
音同以善注觀之比傳本作驥後來傳錄者易爲顧

而作願者又顛之轉謗耳

鮮卑傳

注北地庶人善弩射者 陳氏景雲曰庶後漢書鮮卑傳作廉章懷注廉縣名屬北地郡

蜀志

諸葛亮傳

亮與徐庶竝從注魏略曰庶先名福本單家子 案魏略列傳以徐福嚴幹李義等十人其卷幹義皆馮翊東縣人馮翊東縣舊無冠族故二人竝單家

見裴潛傳注

又魏略儒宗傳薛夏天水人也天水舊有姜閭任趙

四姓常推於郡中而夏爲單家隗禧京兆人也世單

家

見王肅傳注

魏略吳質傳始質爲單家少游邀貴戚間

見王粲傳注

張旣傳旣世單家見旣傳注凡云單家者猶言寒

門非郡之著姓耳徐庶爲單家子與此一例流俗讀單爲善疑其本姓單後改爲徐妄之甚矣後漢書趙壹傳恩澤不逮於單門亦單家之意也

劉已傳

注劉先主欲遣周不疑就已學 陳氏景雲曰主字衍

劉周二人事迹俱見劉表傳注

劉封傳

自立阿斗爲太子已來 陳氏景雲曰斗當作升後主
一字升之見魏志明帝紀注古升斗字易混觀漢書
食貨志可見

楊戲傳

贊馬承伯注爲太守張飛功曹飛貢之先主爲尙書郎
建興中從事丞相掾遷廣漢太守後爲飛參軍 陳
氏景雲曰飛字衍張飛卒於建興前承伯蓋自郡守
入參丞相軍事耳曰後爲者蒙上從事丞相掾言之
益部耆舊雜記載王嗣常播衛繼三人皆劉氏王蜀時
人故錄于篇 案戲傳載李漢輔臣贊其有贊而無

傳者附注假里於下注亦承祚本文也贊最後載者
益部耆舊二十六字及下王嗣常播衛繼三傳皆裴
松之注今刊本皆升作大字讀者亦勿爲承祚正文
則大誤矣承祚作益部耆舊傳見于晉書本傳及隋
經籍志若雜記則隋志無之或云陳術撰亦必晉人
不應承祚遽引其書蓋裴氏於李孫德李偉南二人
注下旣各引雜記以補本注之闕而王嗣等三人姓
名不見於承祚書故附錄以傳異聞此亦裴注之恒
例今承譌已久特爲辨正以諗讀史者

吳志

孫策傳

注欲令諸軍振旅於河北通謀黑山 陳氏景雲曰振
旅句絕於疑然字之誤後漢書袁術傳載此書作然
而河北異謀於黑山章懷注謂袁紹爲冀州牧與黑
山賊相連蓋與術書不可顯斥其兄故微其詞耳

孫皓傳

注三公鉏司馬如 鉏如二字難解按神記云三公歸
於司馬語意較明白

劉繇傳

笮融依徐州牧陶謙謙使督廣陵彭城漕遂放縱擅

殺坐斷三郡委輸以自入 陳氏景雲日上止云廣
陵彭城而下言三郡殊不相應范史廣陵下有下邳
二字疑此偶脫

孫輔傳

注輔恐權不能保守江東因權出行東冶乃遣人齎書
呼曹公 陳氏景雲曰輔之得罪史不著其季以阮
瑀代曹公與權書攷之蓋在赤壁之役後也是時江
東乘戰勝之勢輔知霸業已安不當復有懼心其通
使曹公殆自有它志非慮權之不克保國也權雖領
會稽太守然自以將軍屯吳不過使丞之郡行文書

耳攷之吳志終權之世未嘗一至會稽況東冶僻在海隅何暇遠涉其地魚豢所紀殆不可信

張昭傳

至平州都督 陳氏景雲曰吳無平州當是半州之誤吳主子建昌侯慮嘗鎮半州甘寧潘璋亦曾屯此乃中流重地故特置都督如西陵濡須之比也

步騭傳

在荊州界者諸葛瑾陸遜朱然程普潘濬等十一人

陳氏景雲曰騭所條上諸臣皆當時有聲績於荊州

程普之卒在孫權稱尊號以前不應亦列其中

傳錄誤也是時呂岱在荊州其名迹亦葛陸之亞何獨遺之或程普乃呂岱之譌

凌統傳

會病卒時年四十九 陳氏景雲曰案統父操以建安八年戰沒統時年十五及十一年卽預討麻屯之捷至年四十九則吳赤烏中也統自攝領父兵屢立戰功若赤烏中尙在則從合肥還二十年間統之宣力行間多矣何更無功可錄乎據駱統傳凌統歿復領其兵在隨陸遜破蜀以前計統之年殆未踰三十此四字當是二字之誤

丁奉傳

太平二年魏大圍之 元本云魏大將軍諸葛誕據壽
春來降魏人圍之今本脫十二字

朱然傳

又陸遜亦本功臣名將存者惟然 陳氏景雲曰本當
作卒據孫權傳遜先然五年卒云亦者承上葛步二
人言之

鍾離牧傳

注盛以施績畱建平智略名將屢經於彼無云當城之
者 陳氏景雲曰建字衍因上有建平字而複出也

留平見孫休傳平於永安六年以平西將軍率眾圍
巴東數月乃還其經信陵者屢矣

是儀胡綜傳

徐祥者吳郡烏程人也先綜歿 陳氏景雲曰承祚書
凡不立傳而附見它傳者雖事迹可稱評皆不及之
今綜次於儀詳又附綜傳而評云是儀徐詳胡綜皆
孫權時幹興事業者也又云儀清恪貞素詳數通使
命綜文采才用各見信任攷詳使曹公唯一見孫權
傳如陳氏之評則固屢奉使稱旨矣評先詳後綜其
非附見綜傳可知無傳有評似乖史例意詳自有傳

而偶逸之綜傳末數語則出自後人附益也據綜傳
孫權立解煩兩部詳領左都督又江表傳詳嘗以待
中偏將軍爲節度官典掌軍事亦可略見其幹略矣
濮陽興傳

皓旣踐阼加興侍郎領青州牧興位爲丞相何緣更
加侍郎此必誤也宋本作中郎亦未可據

晉書

元帝紀

太興元年改丹陽內史爲丹陽尹案地理志元帝建
都揚州改丹陽太守爲尹辭兼傳拜丹陽太守中興

建轉尹此云內史者誤也晉制王國稱內史郡稱太守丹陽非王國不當稱內史

康帝紀

因改元曰建元或謂冰曰郭璞議云立始之際邱山傾立者建也始者元也邱山諱也冰矍然既而歎曰如有吉凶豈改易所能救乎至是果驗案郭璞傳庾翼幼時嘗令璞筮公家及身卦成曰建元之際邱山傾長順之初子凋零及康帝卽位將改元爲建元或謂庾冰曰子忘郭生之言乎邱山上名此號不宜用冰撫心歎悵此卽一事而文小異恭帝紀帝在藩國

會令善射者射馬爲戲既而有人云馬者國姓而自殺之不祥之甚帝亦悟甚悔之五行志恭帝爲琅邪王好奇戲嘗闌一馬於門內令人射之欲觀幾箭死左右有諫者曰馬國姓也今射之不祥於是乃止而馬已被十許箭矣此亦一事而重出也

穆帝紀

永和十年江西乞活郭敞等執陳畱內史劉仕而叛京師震駭 此陳畱當僑治於堂邑界義熙中檀韶向彌檀祗竝爲秦郡太守北陳畱內史虞邱進亦以秦郡太守督陳畱郡事秦郡爲堂邑改名知陳畱亦在

堂邑也堂邑正江西之地與建康密邇故京師爲之
震駭宋志有兩陳畱郡其一屬豫州領浚儀小黃白
馬雍邱四縣寄治譙郡長垣縣界此義熙以後別以
僑戶增置永和以前恐未有此郡也或疑此陳畱卽
寄治譙郡者則淮北荒遠之地卽有叛人自可命將
討之何至震驚京師耶其一屬南豫州領浚儀小黃
雍邱白馬襄邑封邱尉氏七縣此則淮南之陳畱或
卽晉末之北陳畱乎

元熙元年以兗州之
北陳畱郡增宋國

地理志

世祖武皇帝接千祀之餘當八堯之禪 談泰云八堯

二字後人多疑其誤案梁簡文帝文云智高九舜名
出十堯梁元帝檄文云十堯九舜曷足云也沈約爲
始興王讓儀同表云陛下道苞九舜名過十堯徐堅
初學記引桓範要論云責公者易雖一賢少謬孰難
者衆雖十堯猶亂又引韓子云堯舜生而在上位雖
有十桀而不能亂者則勢安也桀紂亦生而在上位
雖有十堯舜而不能化之則勢亂也韓非子亦云非
天時雖十堯不能冬生一穗逆人心雖貴育不能盡
人力舊唐書張廷珪傳十堯九舜未足稱也白居易
策云十軒九舜千堯萬禹抑持揚權俱何足稱皮日

休詩翼衛兩舜趨鉤陳十堯轍古人屬文於堯舜之上加以數目不過極言其多詞章家任意增減或云十堯或云千堯皆非有實晉志出唐人之筆所云八堯亦猶是也又堯本作在字古作在字形相似八堯或是八世之譌大昕謂唐虞夏商周秦漢魏恰是八代則後說爲長

律秣志

會數從天地凡數乘餘率自乘如會數而一爲過周分以從周天月周除之秣曰數也 李銳曰天地凡數者五十五也

易曰凡天地之數五十有五

餘率者二十九也

每月

大餘二十九故謂二十九爲餘率

以二十九自乘得八百四十一例

上位以會數四十七加五十五共得一百二與上位相乘得八萬五千七百八十二以會數除之得一千八百二十五又四十七分之七爲過周分以加周天二十一萬五千一百三十共得二十一萬六千九百五十五又四十七分之七以月周七千八百七十四除之得二十七日七千八百七十分四日之四千三百五十七又四十七分之七是爲月行遲疾一周之日及分又置二十一萬六千九百五十五又四十七分之七以會數通分內子得一千一十九萬六千八

百九十二如倍通數六十二而一得一十六萬四千
四百六十六卽秣周也以周日法五千九百六十九
除之得二十七日五千九百六十九分日之三千三
百三亦爲月行遲疾一周之日及分過周分者月平
行一周適滿一周天而在遲疾一周則周天之外又
多行此分數此所謂過周分卽唐九執術之高月今
鹵洋新法之月最高行也

張載傳

弟亢領佐著作述秣贊一篇見律秣志 今志無之
和嶠傳

太傅從事中郎庾敳見而歎曰嶠森森如千丈松雖礧
柯多節目施之大廈有棟梁之用案庾敳傳敳有
重名而礧斂積實都官從事溫嶠奏之敳更器嶠目
嶠森森如千丈松雖礧柯多節施之大廈有棟梁之
用此卽一事而傳聞互異和嶠卒於元康二年其時
東海王越未爲太傅敳名位尙微此語自當屬之溫
嶠

王舒傳

轉後將軍宣城公褚裒諮議參軍宣城公裒元帝子
也此作褚裒蓋校書者妄增褚裒未嘗封宣城公其

夢在穆帝永和五季不在元帝時也

謝交傳

上黨太守張虔碩戰敗 案東晉僑立上黨郡有二皆
見於宋志其一徐州淮陽郡有上黨令本流寓郡併
省來配其一揚州淮南郡有襄垣令晉末上黨民南
過江立僑郡縣寄治蕪湖後省上黨郡爲縣屬淮南
王羲之傳

又遺尙書僕射謝安書 案羲之任會稽內史日謝安
未爲僕射當是謝尙之譌據尙傳永和中拜尙書僕
射出爲都督豫州刺史鎮歷陽在任有政績上表求

入朝因畱京師署僕射事羲之與尙書蓋在入朝署僕射事時也

諸葛長民傳

進位使持節督青揚二州諸軍事青州刺史領晉陵太守鎮丹徒 此時長民所督者但揚州之晉陵一郡耳當云督青州揚州之晉陵諸軍事史臣不諳地理省去三字便不妥

轉督豫州揚州之六郡諸軍事豫州刺史領淮南太守是時豫州寄治姑孰揚州六郡謂淮南歷陽安豐廬

江堂邑宣城也

以何無忌劉毅傳參證知之

外戚傳

褚裒 除建威將軍江州刺史鎮平洲 洪氏亮吉曰
平洲當作半洲刊寫誤也元和郡縣志江洲或理半
洲

改授都督徐兗青揚州之晉陵吳國諸軍事衛將軍徐
兗二州刺史假節鎮京口 案宋志元帝割吳郡海
虞縣之北境爲東海郡故徐州刺史兼督吳國永和
以後移東海三縣亦寄治京口領徐州者惟督晉陵
不更督吳郡矣

桓溫傳

溫乘勝直進焚其小城勢遂夜遁九十里至晉壽葭萌
案自成都至葭萌程途遙遠豈止九十里若云一
夜行九十里亦無謂

王彌傳

勒石擒苟晞以爲左司馬彌謂勒曰公獲苟晞而用之
何其神妙使晞爲公左彌爲公右天下不足定也
此語又見石勒載記

石勒載記

晉龍驤將軍王國以南郡叛降於堪 南郡疑南陽之

譌

修晉書詔

朕拯溺師旅省方禮畢四海無事百揆多閑遂因暇日
詳觀典府考龜文於義載辨烏冊於軒季不出巖廊神
交千祀之外穆然旒纁臨睨九皇之表是知右史序言
斯不爽昧左官詮事歷茲綿遠發揮文字之本通達書
契之源大矣哉蓋史籍之爲用也自沮誦攝官之後伯
陽載筆之前代列史臣皆有刪著仲尼修而採檮杌倚
相誦而闡丘墳降自鹵京班馬騰其茂實逮於東漢范
謝振其芳聲葢爾當塗陳壽覈其國志眇哉劉宋沈約
裁其帝籍至梁陳高氏朕命勒成惟周及隨亦同甄錄

莫不彰善癉惡激一代之清芬褒吉懲凶備百王之令
典惟晉氏膺運制有中原上帝啟元后之圖下武代黃
星之德及中朝鼎立江左嗣興竝宅寰區總重徽號足
以飛英麗筆將美口書但十有八家雖存記注而才非
良史事虧實錄緒煩而寡要思勞而少功叔寧課虛滋
味同於畫餅子雲學海涓滴堙於涸流處叔不終於中
興法盛莫通於創業洎乎干陸曹鄧略記帝王盛廣
訟纔編載祀其文既野其事罕傳遂使典午清高韻遺
芳於簡冊金行曩志闕繼美於驪駟遐想寂寥深爲歎
息宜令修國史所更撰晉書銓次舊聞裁成義類俾夫

湮洛之誥咸使法明其所須可依修五代史故事若少
學士亦量事追取貞觀二十年閏二月

諸史拾遺卷二

嘉定錢大昕

宋書

天文志

方則俱方圓則俱圓不同之義也 不同上當依晉志
增無方圓二字

朱齡石傳

進監益州巴鹵梓潼宕渠南漢中秦州之安固懷寧六

郡諸軍事 益州下當有梁州之三字據州郡志巴

鹵梓潼南漢中南宕渠本屬梁州

永初郡國梁州有宕渠郡無南字

元嘉十六季始度屬益州安固懷寧本屬南秦亦於
元嘉十六季度益州

謝靈運傳

惟上闕於巖壑闕文一本是託字

吐泉流之浩浩一本浩伦漾

涓隱巖以擎芳茱庇蒙以織畚闕十八字一本伦庚

宅壘以葆和輿陟義而善狂十二字又於茱庇蒙以
織畚下添徐韜魏而采芣六字據注老萊子在徐無
鬼之下

皓棲商而頤志卿寢茂而敷詞闕六字鄭別谷而永逝

梁去霸而之會 闕六字 一本連寫不云有闕然以

韻求之亦不甚叶

注不樂預公卿大事 闕 遂與弟子別於山阿終身不返

一本大事下有病免家居茂陵鄭子真耕隱谷口

大將軍王鳳禮聘不屈廿二字 東壁云此賦山川

字五見 且山川之未備棲清曠於山川 長洲字再見

橘林長洲離合山川備列山川山川洞石 雙流字再見 近南則會以雙 紆縈字再見

款跨紆縈越 緬邈字再見 緬邈水區雖 窈窕字三見

清潭澗而窈窕含和理 逶迤字再見 引修隄之逶迤

穴字再見 沈波潛溢於洞穴 春秋字再見 於歲春

楠林字再見

楠林長洲

好生字再見

悟好生之成平

生字再見

謝平生於交游或

名山字三見

陵名山而

驚之名山尋

懷抱字再見

明發懷抱

宋志五等封國破

江州

柴桑男

松滋伯

南昌侯

朱修之

新淦侯

李道兒

豐城侯

朱齡石

建城侯

阮佃夫

望蔡子

虞邱進

吳平侯

王道隆

永修男

建昌公

劉彥之

豫寧侯

王曇首

康樂侯

劉秀之

艾侯

劉懷珍後徙中宿

鄱陽侯

劉惔

上饒男

張靈符

樂安男

臨汝侯

鹵豐侯

新建侯

王華

永城男

宜黃侯

南城男

楊運長南城縣子

東興侯

安浦男

石陽子

王謙之

鹵昌侯

檀祗

東昌子

焦度

吉陽男

己邱男

興平侯

戴僧靜

陽豐男

高昌男

遂興男

平都子

顏師伯

新喻侯

劉義宗

宜陽子

永新男

安復侯

萍鄉侯

何無忌

廣興侯

南康郡公

劉穆之

贛侯

寧都子

王廣之

零都侯

褚淵

平固侯

沈宏系

南康公

陂陽男

南野伯

虔化男

吳興子

沈懷明

將樂子

垣榮祖田嗣

邵武子

李安民

建陽男

曷慶建陽縣子

綏城男

楊覆

候官口

晉安男

羅江男

曹虎

司州

隨陽子

水陽男

安陸公

荊州

江陵公

華容公

王宏

當陽男

臨沮伯

編男

枝江侯 徐湛之

江安侯 王景文

孱陵侯 任農夫

佗唐侯 張興世

佘山男

巴東郡公 柳元景

魚復侯

秭歸侯 劉恬
殷孝祖改建安

歸鄉公

長寧侯

上黃男

郢州

汝南侯 姜產之

沌陽子 周盤龍

孝昌侯

惠懷子 富靈符

沙陽男

瀾陽子

蒲圻男

王廣之蒲圻縣子

竟陵侯

薛淵
吳喜

新市子

曹欣之

甯城侯

趙倫之

新陽男

雲杜侯

臨沅男

龍陽侯

王鎮惡

漢壽伯

遷陵侯

佼長生

辰陽男

巴陵男

下雋侯

監利侯

州陵侯

武昌侯

陽新侯

顧彬之

鹵陵男

孝寧侯

全景文

湘州

臨湘侯

醴陵侯

瀏陽侯

繆方盛

吳昌侯

羅侯

孫超之

攸子

孟次陽

建寧子

湘南男

呂安國

益陽侯

垣護之

湘鄉男

新康男

劉康祖

重安侯

當是王敬則

衡山男

王穆之

柳伯

耒陽子

沈嗣之見竟陵王誕傳

泉陵子

洮陽男

零陵子

宋達之

祁陽子

應陽男

觀陽男

營浦侯

營道侯

劉義素

臨蒸伯

段佛榮

茶陵子

俞道隆

湘陰男

邵陵子

建興男

高平男

胡憲祖

邵陽男

杜幼文

始興郡公

沈慶之志仕廣興

曲江侯

王元謨

陽山侯

周滿山陽縣侯見竟陵王誕傳

貞陽侯

柳世隆

含洄男

臨賀侯

馮乘侯

封陽侯

蕭惠話

興安侯

劉義賓

始安子

永豐男

陳懷真

平樂侯

建陵男

雍州

襄陽郡公

張敬兒

云陽男

新野侯

山都男

槐里男

順陽侯

劉亮

武當侯

江方興

上洛男

義成侯

張瓌

略陽侯

安寧男

梁州

廣昌子

益州

都安侯

新城子

江原男

廣州

番禺侯

番禺侯封番禺男

熙安子

博羅男

綏寧男

高叟子

寶安男

海豐男

海安男

欣樂男

南齊書

以京口爲吳幽州 案吳孫韶鎮京城十餘季加領幽
州牧故子顯有此言如諸葛瑾領豫州牧步騭領冀
州牧丁奉賀齊全琮領徐州牧朱然領兗州牧朱桓
領青州牧

梁書

朱异傳

父吳以義烈知名官至齊江夏王參軍毛本作吳平令將軍誤 异年數歲外祖父顧歡撫之謂异祖昭之曰此兒非

常器當成門戶 惠氏棟松崖筆記云案南齊書孝
義傳朱謙之父昭之以學解稱於鄉里謙之季數歲
所生母亾昭之假葬田側爲族人朱幼方燎火所焚
及長手刃殺幼方詣獄自繫世祖嘉其義遣隨曹虎
鹵行將發幼方子憚於津陽門伺殺謙之謙之之兄
選之又刺殺憚有司以聞世祖曰此皆是義事悉赦
之選之幼時顧懽與歡同以女妻焉則選之卽异父也
選與字相似故譌爲與大昕案南史作與之梁書脫
之字

魯悉達傳

齊遣行臺慕容紹宗以衆三萬來攻悉達與戰敗齊軍
紹宗僅以身免 趙氏翼曰紹宗卒於梁武被害之
歲梁武後尙有簡文帝元帝凡六季而敬帝始立安
得敬帝時尙有慕容紹宗在耶

魏書

高祖紀

太和三年二月乾象六合殿成 陳鶴曰紀於四季正
月再書乾象六合殿成當有一誤

南史

呂僧珍傳

天監四季大舉北侵自是僧珍晝直中省夜還祕書五
季旋軍以本官領太子中庶子 陳鶴曰案梁書本
傳下有夏又命僧珍率羽林勁勇出梁城其季冬十
六字李氏誤刪其文則旋軍字無著

尋陽王大心傳

大心以鐵舊將厚爲其禮軍旅之事悉以委之 陳鶴
曰此下南監本脫一行今以梁書補之當云仍以爲
豫章內史侯景數遣軍鹵上寇鈔大心輒令凡廿字

徐嗣伯傳

附張融傳

直閤將軍房伯玉服五石散十許劑無益更患冷夏日
常褰衣嗣伯爲診之曰卿伏熱須以水發之非冬月
不可至十一月冰雪大盛令二人夾捉伯玉解衣坐
石取冰水從頭澆之盡二十斛伯玉口噤氣絕家人
啼哭請止嗣伯遣人執仗防閤設有諫者撾之又盡
水百斛伯玉始能動而見背上彭彭有氣俄而起坐
曰熱不可忍乞冷飲嗣伯以水與之一飲一升病都
差自爾恆發熱冬月猶單禪衫東皐曰三國志注
引華陀別傳云有婦人長病經季世謂寒熱注病者
冬十一月中佗令坐石槽中平旦用寒水汲灌云當

滿百始七八灌會戰欲死灌者懼欲止佗令滿數將
至八十灌熱氣乃蒸出囂囂高二三尺滿百灌佗乃
使然火溫牀厚覆良久汗洽出著粉汗燥便愈此事
與嗣伯相類嗣伯之恣蓋得於佗也

北史

叙傳

商較當世人物 商較猶商權也

唐書

懿宗紀

咸通三年十一月封叔祖緝斬王叔憤榮王 案順宗

諸子傳斬王緝不著封年但云土六季咸通八季
則與紀正合也順宗崩於元和元年閏五十八季而
尙有未封之子此事之可疑者唐大詔令載此制云
順宗皇帝第二十八子緝憲宗皇帝第二十子愼無
叔祖與叔之稱

地理志

蜀州 唐安 元和郡縣志作唐興云先天元年以犯
諱改爲唐安至德二年改爲唐興縣此至失載至德
更名一節

黎州 飛越 元和郡縣志云天寶初廢飛越縣

松州 平康鹽泉 元和郡縣志松州無此二縣平康
仍屬富州未知其審

思唐州 武郎 郎當佗勳史臣避宋諱缺筆後人譌
爲郎旨元和郡縣志正佗武郎

藝文志

道藏音義目錄一百一十三卷崔湜薛稷沈佺期道士
史崇元等撰 案道藏音義今已不傳惟存妙門由
起六篇而明皇御製序及太清觀主史崇等序猶見
於正統道藏一時列名者昭文館學士崔湜薛稷徐
彥伯賈膺福竺又邱悅盧藏用韋利器沈佺期李獻

張齊賢鄭喜胡皓崇文館學士祝欽明徐堅王琬員
半千胡雄褚無量劉子元賈會蘇晉廿二人而以金
紫光祿大夫鴻臚卿員外置同正員上柱國河內郡
開國公太清觀主史崇爲大使銀青光祿大夫檢校
太子僕射上柱國盧子真爲副使宣議郎試右領軍
衛長史史杲爲判官志所書殊未備也史稱史崇元
而被單名崇蓋宋人避諱去下一字序不署年月以
諸臣官階驗之當在先天元季八月以後開元元季
七月以前

方鎮表

咸通三年升邕管經略使爲嶺南鹵道節度使增領蒙
州 案唐大詔令咸通三年十月敕宜分嶺南爲東
鹵道節度觀察處置等使以憲州爲嶺南鹵道其所
管八州地極邊遠近罹寇擾尤甚凋殘將盛藩垣宜
添州縣宜割桂州管內冀州象州容州管內藤州巖
州並隸嶺南鹵道收管是當時增領者不止一州蒙
當是象之譌

宗室世系表

雍王房 東平王詔 當移於江夏王道宗上一格
宗正少卿漢 傳以漢爲道明六世孫則景融當承道

明之下

盧國公相州刺史景恆 當從列傳作景恆

蜀王房 嗣沈黎侯長沙出繼元景 元景上脫荆王

二字

彭王房 嗣王左千牛衛將軍志暕 據列傳志暕爲

絢之子應移上一格

霍王房 嗣王右千牛員外郎軍暉 傳以暉爲緒孫

當移上一格

宰相世系表

杜氏 崇懿宮尹丞右司員外郎麗正殿學士 此佑

之大父也權德輿撰佑墓志云王父慤尚書右司員外郎詳定學士慤與懿字相似表又多一崇字

賈氏 元變沁水丞 權德輿撰賈耽墓志云烈攷攷

之燕居不仕與表異弼散騎侍郎柳沖傳二子躬之

匪之躬之宋太宰參軍子希鏡南齊外兵郎生稅義

興郡太守生執梁太府卿 案柳沖傳以希鏡爲匪

之子執爲希鏡子與表不合

牛氏 鳳及春官侍郎 案杜牧撰牛僧儒墓志稱文

安後四世諱鳳及於公爲高祖文安後五世諱休克

於公爲曾祖則休克爲鳳及之子而表不系休克於

鳳及下何邠志云中書門下侍郎而表云春官侍郎亦不甚合

于氏 德成郎令 權德輿撰于公先廟碑

預戶部侍郎判度支頂長安支

當從碑
佗尉

嶼字允元相憲

宗頤洋州司戶參軍 碑稱長子頤洋州司戶參軍

冢子頤戶部侍郎幼子頤長安縣尉公卽第三子也表所載四人次第與碑不合當以碑爲正頤當爲頂頂當爲頤碑載頤昆弟唯四人表於頤之後又有莫一人恐是刻本之譌

王氏 昇咸陽令 案李宗閔撰王播神道碑自滿以

下與表同播祖爲咸陽令昇而其兄亦名昇必刻本之謠

鎮祕書丞 案碑稱嗣子式祕書丞次曰冰京兆府參軍無名鎮者表以式爲起子鎮爲播之長子與碑不合然王起傳亦云子式龜舊唐書以式爲播子

起字舉之魏郡文懿公炎字逢時太常博士 案碑稱公之仲弟曰炎季曰起王播傳亦云與弟炎起皆有名此劉起於炎之前誤

裴氏 仁基字德本隋光祿大夫忠公 案獨孤及撰裴稹行狀曾祖仁基祖行儉則仁基乃行儉之父也

表以行儉爲思諒子恐誤

倚殿中侍御史侑榆次尉 案倚侑與倩儼皆稹之子
表誤下一格當據行狀改正

韋氏 知人司戎大夫 獨孤及撰韋稹神道碑云職
方郎中稹表失書其官據碑蓋終於申王府司馬而
贈太常卿也

綱字綱初名紹陳王傳 案綱非稹子當是昆弟行表
誤下一格

獨孤氏 澄疑澄字 丕字山甫剡主簿 萬 案獨孤

及撰其父表云子汜巨及正等此舉葬時見存者而

言其爲愷墓志云潁川府君第三子其爲丕墓志云
府君第五子其爲萬墓志云府君第六子三人皆耐
葬塋鹵則皆爲通理之子無疑也表以此三人系於
潁川長史楷之下若別有官潁川長史其人者其誤
一也又毘陵集有大理寺少卿嶼墓志稱嶼爲文惠
第二子浙江東道節度使峻季弟不聞別有兄名楷
者表以楷劉於峻嶼之前其誤二也及稱嶼爲叔父
表與思疎同行似及大父行其誤三也愷丕萬皆及
之弟表皆超上一格似及諸父行其誤四也

閻氏 宋 官監察御史領高陵令見獨孤及撰閻用

之墓誌

十一宗諸子

元宗子 靖恭太子琬 俯王濟陰郡 案宗室世系

表俯佗備唐大詔令亦同此佗俯誤備封濟陰郡王
表傳同獨唐大詔令佗濟陽

光王琚 義王濯 陳王沘 案本紀開元二十一年

九月封子沘義王濯陳王唐大詔令開元二十一年

九月封濟王等制與紀正同又開元二十三季皇太

子諸王改名制亦云義王沘爲玼陳王濯爲珪此傳

誤

儀王璉 子伋王鍾陵郡 案唐大詔令及宗室表俱

作臨川郡王此傳恐誤

永王璘 子儼爲餘姚王 案唐大詔令開元二十八
年封永王子偁爲襄城郡王宗室表亦首劉偁名傳
失載

壽王瑁 僂王德陽郡 案唐大詔令開元
二十八年年封壽王子伾爲河間郡王不見僂名與此
異

肅宗子 彭王僅 詔僅充河鹵節度充王 備
王 僂 隴右杞王 僂 陝鹵興王 僂 鳳翔竝爲大使 案

唐大詔令乾元三季閏四月同制尙有邵王僖改封
蜀王充邠寧鄜節度大使傳不當略之

代宗子

睦王述

第四

柳王逾

第五
改王丹

恩王連

第

六

韓王迥

鄜王邁

第八
改王簡

忻王造

第十三

韶王暹

第十四

嘉王運

第十五

端王遇

第十六

循王通

第十七

恭王通

原王遠

雅王逸

嘉王運

貞元中除橫海軍節度大使傳失書

順宗子

郊王經

二十一季又與均淑甚密鄒邵宋

集冀和衡欽會珍福撫岳袁桂翼二十王皆進王

案欽珍二王德宗子非順宗子雖同日封王不應竝

舉且欽珍衡會福撫岳袁桂翼八王初未先有郡王之封亦不當在進王之數或云順宗子自有珍王緒欽王績二人然順宗紀不見兩王始封恐傳誤李賡芸曰案宗室世系表順宗二十二子第十一欽王績第十四珍王緒唐會要與表同舊書列傳載順宗諸子亦合惟本紀則新舊書俱不見兩王之始封目又案福王在珍王之前

密王綢 憲宗紀及表俱作綢順宗紀及唐大詔令俱作綢 李賡芸曰唐會要亦作綢

翼王綽 本紀表及唐大詔令俱作綽 李賡芸曰舊

書順宗紀佗繹唐會要佗綽

珍王繕初名況王洛交後進王 案貞元二十一年封
二十王其封珍者乃德宗子誠也唐大詔令及本紀
俱無繕名此一王頗可疑

撫王紘 嘗除河東節度使見唐大詔令

欽王績無夢季 此王無封季

憲宗子 澧王惲 三子曰漢王東陽郡曰源安陸曰
演臨安 案唐大詔令大和八年八月封諸王男爲
郡王澧王第三男漢可封臨川郡王此佗演而封臨
安當有誤又案宗室表臨川郡王演系於深王之下

蓋轉寫失其次目演潢字形相涉未知孰是

酈王愬

子溥平陽郡王

大詔令酈佗祁

穆宗子

懷懿太子湊

太和八季薨

本紀在九季

宣宗子

靖懷太子漢

漢當佗漢已詳攷異據董衡

釋音云漢無鄙反則宋本未誤也

濮王澤

大中九季除鎮州大都督成德軍節度使傳

失書

昭王汭

大中十一季除鎮州大都督成德軍節度使

傳亦失書

廣王灊

大中十一季始王與衛王同封

據本紀灊

封於大中十一年八月而衛王瀼之封在十一年九月相距一季不得云同封也

懿宗八子 魏王侑 長男 乾符六年薨傳失書

涼王佺 第二男

蜀王佖 第三男 咸通十一年除劍南節度副大使傳

失書

僖宗子 建王震 中和三年除魏博節度使傳失書

昭宗十七子 德王裕 長子 棣王翀 第三 虔王禎

第五 沂王禔 第六 遂王禕 第七 景王禎 第八

輝王禔 第九 卽哀帝 祁王祺 第十 雅王 真 第

十 瓊王祥 第十二

元宗二十九女 永穆 常芬 第二 開 唐昌 第四

元十 常山 第六 高都 開元廿五 臨晉 開元廿

六季 建平 開元廿五 眞陽 開元廿八 信成 開元

八月 昌樂 同 永寧 十七 平昌 十九

季八 高陽 廿九 興信 開元廿九 廣寧 天

二月 太華 廿一 壽光 廿二 樂成

出降 天寶 五載七月

常芬 開元十九季出降張去盈史佗去奢誤

德宗十一女 永陽公主 普寧公主 文安公主

據唐大詔令順宗封諸妹制永陽第十妹晉寧第十

一妹文安第十三妹

順宗十一女

漢陽

始封德陽郡主

晉安

始封咸寧郡主

東陽

始封

信安郡主

鹵河

始封武陵郡主

雲安

襄陽

始封晉康郡主

尋陽

第十女

臨汝

第二十女

陽安

始封清源郡主

平恩

第廿二女

邵陽

第廿三女

唐大詔令無雲安又平恩佗思平

宣宗十一女

萬壽

長女

永福

第二女

鹵華

第三女

廣德

第四女

義和

第五

饒安

第六女

盛唐

第七女

義和唐大詔令佗

和義

辛雲京傳

以雲京性沈毅故授太原尹 案唐自中葉以後尤重
節鎮河東節度使例兼太原尹史書尹不書節度於
例未當

劉禹錫傳

由和州刺史入爲主客郎中復佗游元都詩且言始謫
十季還京師道士植桃其盛若霞又十四季過之燕
復一存唯免葵燕麥動搖春風耳以詆權近聞者益
薄其行俄分司東都 今案禹錫集再游元都觀絕
句在大和二季三月是季歲在戊申而除主客郎中
分司東都在大和元季六月史以分司東都繫於佗

游元都觀詩之後始失其序矣禹錫本自和州除主客郎中分司東都其時初未到都次季乃以裴度薦起元官直集賢院方得到京元都詩正在此時距元和十季乙未自朗州被召恰十四季矣集中又有蒙恩轉儀曹郎依前充集賢學士舉韓湖州自代詩可見禹錫初入集賢尙是主客後乃轉禮部史云以薦爲禮部郎中集賢直學士亦未核也

唐書 逆臣劉傳第一百五十下

唐書凡二百二十六篇總二百五十卷

二十一帝本紀一十篇一十卷

十三志五十篇五十六卷

三表十五篇二十二卷

列傳一百五十篇一百六十卷

錄一卷

釋音一卷

嘉祐五年六月二十四日

進

編修官宣德郎守祕書省著佗佐郎臣劉義叟

編修官宣德郎守祕書丞騎都尉臣呂夏卿

編修官開封府推官朝奉郎太常博士充集賢校理騎都尉賜緋魚袋臣宋敏求

編修官朝奉郎守祕書郎中知制誥同勾當三班院上輕車都尉賜紫魚袋臣王

編修官朝散大夫尚書禮部郎中知制誥充集賢殿修撰孔察奏開刑獄兼權判尚書

充宗正寺修玉牒官騎都尉高平縣開國男會邑三百戶賜紫金魚袋 臣范

刊修端明殿學士兼翰林侍讀學士龍圖閣學士朝請大夫守尚書吏部侍郎充集賢殿修撰知鄭州軍州

事兼管河隄勸農使柱國常山郡開國公會邑三百戶賜紫金魚袋 臣宋

刊修翰林學士兼龍圖閣學士朝散大夫給事中知制誥充史館修撰判秘閣充羣牧使

護軍樂安郡開國侯會邑二千三百戶會實封貳百戶賜紫金魚袋 臣歐陽修

提舉編修推忠佐理功臣奉大夫尚書禮部侍郎參知政事上柱國廬陵

郡開國公會邑二千二百戶會實封貳百戶賜紫金魚袋 臣曾公亮

嘉祐五年六月二十六日准

中書劄子奉

聖旨下杭州鑄版頒行

校對無爲軍判官將仕郎試祕書省校書郎充國子監直講臣錢藻

校對宣德郎守大理寺丞充國子監直講臣吳申

校勘朝奉郎守太常丞充祕閣校理騎都尉臣文同

校勘承事郎守太常博士充祕閣校理判殿閣鼓院騎都尉臣陳薦

校勘宣德郎守太常博士充祕閣校理權判尙書膳部騎都尉臣裴煜

推忠佐理功臣奉大夫尙書禮部侍郎參知政事上柱國廬陵郡開國

公食邑二千一百戶食實封貳百戶賜紫金魚袋臣曾亮

推忠協謀同德守正佐理功臣開府儀同三司行工部尙書高平軍事集賢殿

大學士柱國南陽郡開國公食邑六千七百戶食實封貳仟三百戶臣韓琦

推忠協謀同德守正佐理功臣特進禮部尚書同中書門下平章事昭文館大學士

監修國史兼譯經潤文使上柱國河南郡開國公食邑五千八百戶對武臣臣官弼

新唐書釋音序

將仕郎前權書學博士臣董衡上進

嘉祐中 仁宗皇帝詔儒臣修唐書其事廣於前其文

粹於舊學者願觀焉或字奇而不能辨則悵然而中止

者有矣猶之求珠於九重之淵驪龍寤而當其前則退

縮而不敢進彼雖至寶橫 於其側可得而有之耶故

諸史中惟新唐書能究其終始者尤鮮臣每讀晉史見

何超纂音義竊嘗慕焉於是歷考聲韻以爲之音使學

者從容而無疑觀其文章藻繪體氣渾厚可以吹波助
瀾揚厲清浮則愈於得寶之美也若夫名篇乞目立傳
之實增損出入有異於舊史者悉見諸因革云崇寧五
季十一月日臣衛謹序